

宋元方志

宋志英◎選編

國家圖書館出版社

人物傳記資料叢刊

10

宋志英◎選編

國家圖書館出版社

宋元方志

10

人物傳記資料叢刊

第十冊目錄

〔淳熙〕新安志

先達……………三

進士題名……………一四三

牧守……………二二五

〔寶祐〕仙溪志

令佐題名……………二九五

知縣……………二九六

縣丞……………三〇五

主簿……………三〇九

尉……………三一

進士題名……………三一五

唐……………三一六

宋……………三一七

衣冠盛事……………三六九

封王……………三六九

宰相……………三七〇

侍從臺諫……………三七〇

父子侍從……………三七一

四代侍從……………三七一

一門監司郡守……………三七一

兄弟同時監司……………三七三

兄弟同時郡守……………三七四

父子相繼監司	三七四
兄弟同拜刺史	三七四
廷試第二人	三七四
廷試第四人	三七五
廷試第五人	三七五
省試第一人	三七五
一門登進士第	三七五
傅氏二十五人	三七六
許氏十二人	三七七
葉氏十一人	三七八
余氏七人	三七八
陳氏五人	三七九

六代登進士第	三七九
四代登進士第	三七九
三代登進士第	三八〇
父子登進士第	三八〇
兄弟登進士第	三八一
兄弟同年登進士第	三八二
仙釋	三八二
唐及五代人物	三九五
宋人物	四〇四
〔大德〕南海志	三八一
舊志進士題名	四八三

(宋)趙不悔修 羅願纂

〔淳熙〕新安志

宋淳熙二年(1175)修,清嘉慶十七年(1812)刻本

父子相繼 三七一

六代 三七一

兄弟同官 三七一

四代 三七一

廷試第一人 三七一

二代 三七一

廷試第四人 三七一

三代 三七一

廷試第五人 三七一

兄弟同官 三七一

省試第一人 三七一

兄弟同官 三七一

〔彰熙〕 稵安志

省試第十五人 三七一

仙傳 三七一

省試第十六人 三七一

唐及五代人物 三七一

省試第十七人 三七一

宋人物 三七一

省試第十八人 三七一

〔大德〕南海志 三七一

〔宋〕秋不 三七一

舊志進士題名 三七一

新安志卷第六

欽羅願撰

敘先達

晉者春秋之世楚屈建之信聞於諸侯其大夫誦之以爲晉卿不如楚意楚之賢晉無以當之至建問晉范會之德於趙武武告以夫子之家事治無隱情於國無愧辭於鬼神者建退而誦之則晉先賢之風烈建曾不足以得其萬一逮魯叔孫豹聘於晉則又以爲晉范氏之先僅可謂之世祿而魯有先大夫曰臧文仲者旣沒而言立狀後可以謂

之不朽由此言之世之賢者可有既乎是數者不
惟其人之差品固若是亦習於所聞各以其國之
賢爲足以矜於天下也夫賢之所在人猶以其於
己爲近而矜之又況善行之發於吾身而令聞之
施於吾體者乎榮亦至矣朕則進德脩業又安可
後哉新安自程靈洗以節顯梁陳間唐及五代相
繼有人迨聖宋則名臣輩出夫豈惟其土之多賢
要當以世論之若梁員外散騎侍郎李禧太常卿
胡明星唐中書舍人吳鞏南唐宰相馮延巳勤政

殿學士延魯樞密使查文徽國朝尚書郎舒雄太
手左贊善大夫呂文膺虞部員外郎方演及近世
名卿大夫未得其行狀者皆不敢輕有所附著以
稱益闕之義前世羽林將軍盧元卿刑部郎中程
皓則又不知其世謹錄知者見其左

程儀同

程儀同靈洗字元滌海寧人侯景之亂保黟歙以
拒景梁元帝授譙州刺史資領本郡太守後助王
僧辨鎮防及武帝誅僧辨靈洗率所領來援其夜

力戰於石頭西門軍不利遣使招諭久之乃降

按陳

書只云軍不利謂靈洗軍也而南史云武帝軍不利今從陳書

帝淡義之授蘭陵太守仍助

防京口及平徐嗣徽有功除南丹陽太守封遂安

侯後隨周文育西討王琳軍敗爲琳所拘尋與

侯安都等逃歸累遷太子左衛率武帝崩王琳前

軍東下靈洗於南陵破之擄其兵士并獲青龍舟

十餘乘以功授都督南豫州刺史侯瑱等敗王琳

於柵口靈洗棄勝逐北據有魯山召爲左騎將軍

天嘉四年周迪重寇臨川以靈洗爲都督自鄱陽

別道擊之迪又走山谷間遣中護軍出爲都督郢
州刺史廢帝卽位進號雲麾將軍華皎之反遣使
招靈洗靈洗斬皎使以狀聞朝廷深嘉其忠爲增
守備給鼓吹一部因推心待之使其子文季領水
軍助防時周將元定率步騎二萬助皎圍靈洗靈
洗嬰城固守及皎敗乃出軍躡定定不獲濟江以
其衆降因進克周沔州禽其刺史裴寬以功改封
重安縣公靈洗御下嚴刻士卒有小罪必以軍法
誅之朕號令分明與同甘苦衆亦以此附焉性好

東坡志林卷六
三
播植躬耕稼別水陸所宜刈穫蚤晚雖老農不及
伎要無游手竝督以紡績至於散用貲財亦無所
吝卒贈鎮西將軍開府儀同三司諡忠壯配享武
帝廟庭

程都督

程都督文季字少卿幼習騎射多幹畧果決有父
風弱冠從靈洗征討必先登陷陳靈洗與周文育
侯安都等敗於沌口爲王琳所執武帝召陷賊諸
將子弟厚遇之文季最有禮容淡見賞文帝嗣位

累遷新安臨海太守尋棄金翅助父鎖郢城華皎
平文季父子竝有捍禦之功及靈洗卒文季盡領
其衆起爲超武將軍仍助防郢州文季性至孝雖
軍旅奪禮而毀瘠甚至服闋襲封隨都督章昭達
率軍往荊州征梁梁人與周軍多造舟艦置青泥
水中昭達遣文季潛道戢往盡焚之又夜入其外
城殺傷甚衆旣而周兵大出文季僅以身免以功
加通直散騎常侍太建五年都督吳明徹北討至
秦郡秦郡前江浦通涂水齊人下大柱爲杙柵水

中文季前領驍勇拔開其柵明季率大軍自後至
攻秦郡克之又別遣文季圍涇州屠其城進拔盱
眙仍隨明徹圍壽陽文季臨事謹飭御下嚴整前
後所克城壘率皆迮水爲堰土木之功動踰數萬
置陳役人必先諸將夜臥蚤起迄暮不休軍中服
其勤幹每戰常爲前鋒齊軍深憚之謂爲程虎陳書
云程虎南史云程虎皆以唐諱虎字故也以功除散騎常侍帶新安內史累遷
北徐州刺史加都督後隨明徹北侵軍敗爲周所
囚授開府儀同三司十一年自周逃歸至渦陽爲

邊吏所執送長安死於獄是時既與周絕不之知
至德元年後主始知之追贈散騎常侍詔傷其廢
絕降封重安縣侯以子響襲封

吳御史

吳御史少微新安人第進士長安中累至晉陽尉
與武功富嘉謨同官友善先是天下文章以徐庾
爲宗氣調益弱獨少微嘉謨屬詞本經學雄邁高
雅時人慕之文體一變稱爲吳富體少微撰崇福
寺鐘銘嘉謨作雙龍泉及千燭谷頌尤爲作者推

重并州長史張仁亶待以殊禮坐必同榻時魏郡
谷倚爲太原主簿亦以文詞著名時號北京三傑
中興初吏部侍郎韋嗣立薦少微嘉謨同時爲左
右臺監察御史少微臥病聞嘉謨死慟哭賦詩尋
亦卒有文集各五卷谷倚後客死文章遺失少微
子鞏開元中爲中書舍人新舊唐書皆稱少微新安人惟唐御
史臺記稱少微渤海人按群符圖經
亦載少微於歙縣人物中今從之又舊書文苑
傳稱吳富文集各五卷經籍志三人集各十卷

王校正

王校正希羽歙州人

凡稱歙州及新安人之類皆據
所出書錄之得其縣者自書縣

詞藝優

博天復元年登第時年七十餘先是昭宗新平內
難開放新進士詔知貢杜德祥有孤貧屈人宜以
名聞特敕授官故德祥以希羽曹松劉象柯崇鄭
希顏應詔各授校正其制云念爾登科之際當予
反正之年宜降異恩各膺寵命松舒州人學賈司
倉爲詩此外無他長時號松啓事爲送羊脚狀年
亦逾七十象京兆人崇希顏閩人皆以詩卷及第
年六十餘號五老牘

汪處士